


林靈素傳 異苑

江淮異人錄

茅亭客話

附勘記





林
靈
素
傳

趙與時
撰

中
華
書
局

叢書集成初編

林 靈 素 傳（及其他三種）

中 華 書 局 出 版 發 行

（北京王府井大街三十六號）

秦 皇 島 市 資 料 印 刷 廠 印 刷

一 九 九 一 年 北 京 第 一 版

開 本：七 八 七 乘 一 〇 九 二 毫 米 三 十 二 分 之 一

統 一 書 號：ISBN 7—101—00894—1/K·367

林
靈
素
傳

此據古今說海本
排印初編各叢書
僅有此本

林靈素傳

宋 趙與時撰

林靈素。初名靈暉。字歲昌。家世寒微。慕遠遊。至蜀。從趙昇道人數載。趙卒。得其書祕藏之。由是善妖術。輔以五雷法。往來宿亳淮泗間。乞食諸寺。僧多厭之。政和三年。至京師。寓東太乙宮。徽宗夢赴東華帝君。召遊神霄宮。覺而異之。勅道錄徐知常。訪神霄事迹。知常素不曉。告假。或告曰。道堂有温州林道士。累言神霄。亦作神霄詩題壁間。知常得之大驚。以聞。召見。上問有何術。對曰。臣上知天宮。中識人間。下知地府。上視靈暉風貌。如舊識。賜名靈素。號金門羽客。通真達靈。玄妙先生。賜金牌。無時入內。五年。築通真宮。以居之。時宮禁多恠。命靈素治之。埋鐵簡長九尺於地。是恠遂絕。因建寶籙宮。太乙西宮。建仁濟亭。施符水。開神霄寶籙壇。詔天下宮觀。改爲神霄玉清萬壽宮。無觀者。以寺充。仍設長生大帝君。青華大帝君像。上自稱教主。道君皇帝。皆靈素所建也。靈素被旨修道書。改正諸經醮儀。校丹經靈篇。刪修注解。每遇初七升座講。聽講皆宰執百官。三衙親王。中貴士庶。觀者如堵。講說三洞道經。京師士民始化奉道矣。靈素爲闕不一。上每以聰明神仙呼之。御筆賜玉真教主。神霄凝神殿侍宸立兩府班上。上思明達。后欲見之。靈素復爲葉靜張致太香之術。上尤異之。謂靈素曰。朕昔到青華帝君處。獲言改除魔髡。何謂也。靈素遂縱言釋教害道。今雖不可滅。合與改正。將佛刹改爲宮觀。釋伽改爲天尊。菩薩改爲大士。羅漢改尊者。和尚改

德士皆留髮頂冠執簡。有旨依奏。皇太子上殿爭之。令胡僧立藏十二人。并五臺僧二人。道堅等與靈素鬪法。僧不勝。情願戴冠執簡。太子乞贖僧罪。有旨胡僧放道堅係中國人。送開封府刺面。決配于開寶寺。前令衆明年京師大旱。命靈素祈雨。未應。蔡京奏其妄。上密召靈素曰。朕諸事一聽卿。且與祈三日大雨。以塞大臣之謗。靈素請急召建昌軍南豐道士王文卿。乃神霄甲子之臣。兼兩部。與之同告上帝。文卿既至。執簡勅水。果得雨三日。上大喜。賜文卿神霄凝神殿侍宸。靈素眷倚益隆。忽京城傳呂洞賓訪靈素。遂捻土燒香。香氣直至禁中。上遣人探問香氣自通真宮來。上亟乘小車到宮。見壁間有詩云。捻土焚香事有因。世間宜假不宜真。太平無事張天覺。四海閒遊呂洞賓。京城印行。繞街叫賣。太子亦買數本進上。上大震怒。捐賞錢千緡。開封府捕之。有太學齋僕王青告首。是福州士人黃待聘。令青賣送。大理勘招。待聘兄弟及外族爲僧行。不喜改道。故云。有旨斬馬行街。靈素知蔡京鄉人所爲。上表乞歸本貫。詔不允。通真有一室。靈素入靜之所。常封鎖。雖駕來亦不入。京遣人廉得有黃羅大帳。金龍朱紅椅卓。金龍香爐。京具奏請上親往。臣當從駕。上幸通真宮。引京至開鎖同入。無一物。粉壁明窻而已。京皇恐待罪。宣和元年三月。京師大水。臨城上。令中貴同靈素登城治水救之。水勢不退。回奏臣非不能治水。一者是乃天道。二者水自太子而得。但令太子拜之可信也。遂遣太子登城。賜御香。設四拜。水退四丈。是夜水退盡。京城之民皆仰太子聖德。靈素遂上表乞骸骨。不允。秋九月。全臺上言。靈素妄議遷都。妖惑聖聽。改除釋教。毀謗大臣。靈素卽時攜衣被行出宮。十一月。與宮祠温州居住。二年。靈素一日攜所上表見大守閻丘顥。乞與繳。

進。及與州官親黨訣別而卒。生前自下墳于城南山。命其隨行弟子皇城使張如晦。可掘穴深五丈。見龜蛇便下棺。既掘。不月龜蛇而深不可視。乃葬焉。靖康初。遣使監温州伐墓。不知所跡。但見亂石縱橫。強進多死。遂已。此耿延禧所作靈素傳也。靈素本末世。不知其全。故著之。今温州天喜宮有御題云。太中大夫冲和殿侍宸。金門羽客。通真達靈。玄妙先生。在京神霄玉清萬壽宮。管轄提舉通真宮林靈素。

異

苑

劉敬叔
撰

中
華
書
局

叢書集成初編所
選學津討原津逮
祕書祕冊彙函唐
宋叢書皆收有此
書學津字迹更爲
清晰故據以影印

異
苑

欽定四庫全書提要

異苑十卷宋劉敬叔撰敬叔宋書南史俱無傳明胡震亨始採諸書補作之稱敬叔彭城人起家中兵參軍元嘉三年爲給事黃門郎太始中卒又稱嘗爲劉毅郎中令以事件殺爲所奏免官今案書中稱毅鎮江州褊躁愈劇又載毅妻爲桓元所得擅寵有身多蓄憾詆毀之詞則震亨之言當爲可信惟書中自稱義熙十三年余爲長沙王驃騎參軍以朱書長沙景王道憐傳考之時方以驃騎

將軍領荊州刺史與敬叔所記相合而震亨傳中未之及則偶疎也其書皆言神怪之事卷數與隋書經籍志所載相合劉知幾史通謂晉書載武庫火漢高祖斬蛇劍穿屋飛去乃據此書載入亦復相合惟中開太平御覽所引傳承亡餓一條此本失載又稱宋高祖爲宋武帝裕直舉其國號名諱亦不似當時臣子之詞疑已不免有所佚脫竄亂然核其大致尚爲完整與博物志述異記全出後人補綴者不同且其詞旨簡澹無小說家猥瑣之

習斷非六朝以後所能作故唐人多所引用如杜
甫詩中陶侃胡奴事據世說新語但知爲侃子小
名勘驗是書乃知別有一事甫之援引爲精切則
有裨於考證亦不少矣

異苑題辭

戊子歲余就試臨安同友人姚叔祥呂錫侯詣徐賈檢書廢冊山積每抽一編則飛塵隨人最後得劉敬叔異苑是宋紙所抄三人目顧色飛卽罄酒貲易歸各錄一通隨各證定訛漏互錄簡端未幾錫侯物故叔祥游塞余亦兀兀諸生間此書遂置爲蠹叢又十年爲戊戌下第南歸與友人沈汝納同舟出示之復共證定百許字遂稱善本余問語叔祥何嘗令錫侯見之不更快耶相與泫然久之考南史宋書通無敬叔傳因彙其事之散

在史記者爲小傳俾讀者有考焉己亥六月望武原胡
震亨識

劉敬叔傳

劉敬叔字敬叔彭城人少穎敏有異才起家中兵參軍
司徒掌記義熙中劉毅與宋高祖共舉義旗克復京鄴
功亞高祖進封南平郡公敬叔以公望推借拜南平國
郎中令既而有詔拜南平公世子毅以帝命崇重當設
饗宴親請吏佐臨視至日國僚不重白然拜于廡中使
人將反命毅方知之謂敬叔典禮故爲此慢大以爲恨

遂奏免敬叔官及毅誅高祖受禪召爲征西長史元嘉
二年入爲給事黃門郎數年以病免太始中卒于家所
有異苑十餘卷行世